

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 6 NOVEMBER 2014, PUKUL 10.00 PAGI

Bil. 44

PERTANYAAN-PERTANYAAN BAGI JAWAB LISAN

1. PR-1323-L64777
Datuk Wira Haji Ahmad bin Hamzah [Jasin] minta **PERDANA MENTERI** menyatakan langkah-langkah berkesan dalam mengemudikan Model Baru Ekonomi (MBE) ke arah merapatkan jurang kekayaan yang melebar semula sekarang, sebagaimana berjayanya Kerajaan di bawah DEB.
2. PR-1323-L65080
Dr. Mohd Hatta bin Md. Ramli [Kuala Krai] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jenis-jenis program dan latihan kemahiran yang dijalankan sekarang bagi melatih Bumiputera dan bukan Bumiputera dalam melahirkan usahawan yang boleh memaksimumkan penggunaan Internet sebagai platform perniagaan.
3. PR-1323-L63635
Datuk Bung Moktar bin Radin [Kinabatangan] minta **MENTERI KEMAJUAN LUAR BANDAR DAN WILAYAH** menyatakan :-
 - (a) mengenai cadangan pelaksanaan menaik taraf jalan raya Kg. Bangkulat -Tongod, Kinabatangan; dan
 - (b) mengenai cadangan pelaksanaan menaik taraf jalan raya Kg. Karamuak ke Kg. Kenang-Kenangan, Kinabatangan.
4. PR-1323-L64795
Tuan Ahmad Marzuk bin Shaary [Bachok] minta **PERDANA MENTERI** menyatakan apakah tindakan drastik yang dilakukan oleh pihak kerajaan terhadap pencerobohan perairan oleh nelayan Vietnam. Berapakah kes yang telah diheret kepada pendakwaan membabitkan penyalahgunaan permit dan lesen oleh pemilik permit dan lesen kalangan rakyat Malaysia.

5. PR-1323-L64113
Dato' Haji Abdul Rahman bin Haji Mohamad [Lipis] minta **MENTERI KEWANGAN** menyatakan usaha Kerajaan untuk membantu pihak Malaysia Airlines (MAS) bagi memperkukuhkan semula prestasi Malaysia Airlines (MAS), termasuk pelan bantuan kepada pekerja-pekerja yang terpaksa diberhentikan.
6. PR-1323-L64416
Tuan Ignatius Dorell Leiking [Penampang] minta **MENTERI PERTANIAN DAN INDUSTRI ASAS TANI** menyatakan jika Kerajaan akan kaji balik undang-undang yang sedia ada berkenaan dengan "Animal Cruelty" (dalam Animal Act 1953) dan adakah Kerajaan mempunyai rancangan untuk menggubal undang-undang khusus mengenai kekejaman kepada haiwan.
7. PR-1323-L64995
Datuk Madius Tangau [Tuaran] minta **MENTERI PENDIDIKAN** menyatakan adakah Kementerian bercadang untuk memberikan peruntukan sepenuhnya untuk membina bangunan ataupun membaik pulih bangunan sekolah-sekolah Mubaligh.
8. PR-1323-L64009
Tuan Jeff Ooi Chuan Aun [Jelutong] minta **MENTERI KOMUNIKASI DAN MULTIMEDIA** menyatakan apakah perkembangan terkini mengenai projek "digitalisation" bagi Radio Televisyen Malaysia (RTM) yang dijangka siap menjelang 2012. Apakah tarikh siap yang baru, serta berapakah kos perbelanjaan setakat ini.
9. PR-1323-L64658
Datuk Seri Noh bin Haji Omar [Tanjong Karang] minta **PERDANA MENTERI** menyatakan berapakah jumlah pelajar Malaysia di bawah penajaan Kerajaan yang telah tamat belajar tetapi masih belum pulang ke Malaysia dan apakah punca keadaan ini berlaku.
10. PR-1323-L64893
Tuan Julian Tan Kok Ping [Stampin] minta **MENTERI SAINS, TEKNOLOGI DAN INOVASI** menyatakan status perkembangan satelit RAZAK SAT-2. Senaraikan secara terperinci "milestone" yang telah dicapai mahupun sedang dijalankan daripada segi peruntukkan, jangkaan siap serta pencapaian objektif setiap langkah tersebut sejak program itu dimulakan.
11. PR-1323-L64976
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan rancangan Kerajaan dalam tempoh 2015-2020 bagi melaksanakan pembangunan luar bandar seperti pembinaan jalan, bekalan air serta elektrik dan kemudahan perumahan di kawasan Baram demi mencapai Wawasan 2020.

12. PR-1323-L65282
Tuan Tony Pua Kiam Wee [Petaling Jaya Utara] minta **MENTERI TENAGA, TEKNOLOGI HIJAU DAN AIR** menyatakan jumlah kos Projek Langat 2 dan sama ada kos ini akan ditanggung oleh Kerajaan Negeri Selangor melalui bayaran "leasing" kepada PAAB yang akan menyebabkan tarif air terpaksa dinaikkan secara mendadak.
13. PR-1323-L63364
Datuk Joseph Salang anak Gandum [Julau] minta **MENTERI PEMBANGUNAN WANITA, KELUARGA DAN MASYARAKAT** menyatakan langkah-langkah yang sedang dan akan diambil untuk memastikan tiada sesiapa daripada golongan sasaran bantuan kebajikan terkeluar dari perkhidmatan yang diperuntukkan kepada mereka.
14. PR-1323-L64514
Tuan Gooi Hsiao-Leung [Alor Setar] minta **MENTERI DALAM NEGERI** menyatakan status siasatan polis ke dalam laporan polis oleh "Dayak National Congress" atas cetakan facebook pada halaman "JIM - Jemaah ISIS Malaysia" yang menyeru penyembelihan orang Dayak.
15. PR-1323-L63563
Dr. Noor Azmi bin Ghazali [Bagan Serai] minta **MENTERI DALAM NEGERI** menyatakan apakah pendekatan baru AADK sejak 2010 berjaya mengurangkan masalah-masalah berkaitan dadah, HIV serta AIDS dan apakah statistik terkini rakyat yang mengguna dadah dan menghadapi HIV dan AIDS.
16. PR-1323-L63813
Dato' Dr. Tan Kee Kwong [Wangsa Maju] minta **MENTERI PENDIDIKAN** menyatakan bagaimanakah soalan kertas Sains UPSR 2014 boleh bocor. Apakah kaedah yang akan diambil Kementerian untuk mengelakkan perkara ini berulang pada peperiksaan akan datang.
17. PR-1323-L65295
Dato' Ir. Haji Nawawi bin Ahmad [Langkawi] minta **MENTERI PENGANGKUTAN** menyatakan apakah langkah-langkah yang diambil bagi membantu meringankan bebanan yang ditanggung oleh penumpang-penumpang yang telah menempah tiket awal bagi laluan Langkawi ke Kuala Kedah/Kuala Perlis contohnya waktu feri berlepas jam 2.00 petang tetapi lewat tiba di Jeti Kuah dan telah ketinggalan bot/feri disebabkan kesesakan lalu lintas "traffic jam" dan penumpang-penumpang tersebut terpaksa membeli tiket baru untuk beliau dan beberapa ahli keluarga yang turut serta berikutan Pengusaha feri di Jeti Kuah telah memperkenalkan sistem tiket berkomputer.

18. PR-1323-L64534
Tuan Su Keong Siong [Ipoh Timor] minta **PERDANA MENTERI** menyatakan jumlah penumpang yang menggunakan perkhidmatan kereta api Electric Train Service (ETS) (Ipoh ke Kuala Lumpur) dalam tahun 2013 hingga 2014. Adakah Kerajaan berhasrat untuk meningkatkan mutu perkhidmatan kereta api ETS agar lebih ramai penumpang dapat menggunakan perkhidmatan kereta api ETS tersebut.
19. PR-1323-L64201
Dato' Othman bin Aziz [Jerlun] minta **MENTERI KEMAJUAN LUAR BANDAR DAN WILAYAH** menyatakan berdasarkan peruntukan RM100 juta kepada Perusahaan Kecil dan Sederhana (PKS):-
- (a) berapakah jumlah usahawan Bumiputera khususnya di Kedah yang telah menerima manfaat peruntukan berkenaan; dan
 - (b) apakah pelan jangka masa panjang Kementerian bagi memastikan pengusaha PKS ini terus meningkatkan mutu produk/perkhidmatan mereka ke peringkat yang lebih tinggi.
20. PR-1323-L64398
Dato' Mohd Ariff Sabri bin Abdul Aziz [Raub] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) bilakah pihak Kementerian akan memindahkan pusat pelupusan sampah di Cheroh Raub ke kawasan yang baru; dan
 - (b) langkah-langkah yang diambil buat sementara ini untuk meningkatkan keselesaan penduduk daripada bau busuk serta potensi ancaman "public health" untuk penduduk Raub khususnya di Cheroh.
21. PR-1323-L64753
Datuk Hajah Norah binti Abd Rahman [Tanjong Manis] minta **PERDANA MENTERI** menyatakan adakah tumpuan Kerajaan kepada pertumbuhan GNI dan kenaikan pendapatan per kapita untuk menjadikan Malaysia sebuah negara maju hanya akan memajukan kawasan bandar sahaja berbanding kawasan luar bandar.
22. PR-1323-L63604
Dato' Kamarul Baharin bin Abbas [Telok Kemang] minta **MENTERI DALAM NEGERI** menyatakan :-
- (a) jumlah pendatang asing mengikut negara yang telah didaftarkan dalam Program 6P; dan

- (b) nisbah pendatang asing yang telah didaftar dan bekerja berbanding dengan jumlah pekerja tempatan dalam sektor perladangan, perkilangan dan lain-lain.

23. PR-1323-L65255

Tan Sri Datuk Seri Panglima Joseph Pairin Kitingan [Keningau] minta **MENTERI SUMBER MANUSIA** menyatakan memandangkan bahawa terdapat masih ramai belia-belia, para graduan yang masih mencari pekerjaan, berapa banyak peluang pekerjaan dan kekosongan kerja yang telah diwujudkan di negeri Sabah khususnya dalam tahun 2015 dan apakah pecahan lain-lain kerja yang tersedia itu supaya makluman-makluman ini didedahkan dengan jelas kepada penganggur-penganggur di Sabah.

24. PR-1323-L65212

Tuan Manivanan a/l Gowindasamy [Kapar] minta **MENTERI DALAM NEGERI** menyatakan :-

- (a) bilangan kes jenayah yang melibatkan pendatang asing (senaraikan mengikut negara) dan kadar peratusannya daripada jumlah kes jenayah di negara untuk sepanjang tahun 2012, 2013 dan sehingga 1 Oktober 2014, serta jenis jenayah yang dilakukan; dan
- (b) bilangan warga luar negara yang dikesan dan/atau diambil tindakan akibat memasuki atau keluar dari negara ini dengan menggunakan pasport palsu; dan langkah-langkah proaktif yang diambil oleh pihak imigresen bagi mencegah kejadian sedemikian.

25. PR-1323-L64359

Datuk Ahmad Jazlan bin Yaakub [Machang] minta **MENTERI PERTAHANAN** menyatakan adakah kelengkapan ketenteraan yang dimiliki oleh negara mencukupi dalam membuat persediaan menghadapi sebarang bentuk kesulitan yang mungkin dihadapi oleh negara.

26. PR-1323-L64051

Dato' Johari bin Abdul [Sungai Petani] minta **PERDANA MENTERI** menyatakan :-

- (a) berapa jumlah pengganas dan penculik yang terlibat dalam kegiatan penculikan di kawasan ESSZONE yang telah ditahan dan sedang diambil tindakan undang-undang; dan
- (b) adakah sebab utama pembolosan pengganas/penculik di kawasan ini disebabkan tidak berkesannya kegiatan perisikan oleh PDRM, ATM dan APMM.

27. PR-1323-L63492
Datuk Nur Jazlan bin Mohamed [Pulau] minta **MENTERI PENDIDIKAN** menyatakan sama ada Kementerian bercadang untuk menubuhkan sekolah satu aliran dalam usaha untuk meningkatkan integrasi antara kaum di negara ini, khususnya generasi muda.
28. PR-1323-L64846
Tuan R. Sivarasa [Subang] minta **MENTERI PENGANGKUTAN** menyatakan bilakah siasatan berkaitan kehilangan pesawat MH370 akan siap dan memandangkan boleh jadi keadaan nahas pesawat mungkin tidak ditemui, adakah Kerajaan bercadang meminta Pasukan Siasatan Antarabangsa mengeluarkan satu laporan sementara sekarang (Interim report) berdasarkan sumber-sumber yang sedia ada, dan jika bukan sekarang, bila.
29. PR-1323-L64242
Dato' Noraini binti Ahmad [Parit Sulong] minta **MENTERI KEWANGAN** menyatakan sama ada Kerajaan mempunyai perancangan untuk mewujudkan suatu bank yang khusus untuk wanita di negara ini sepertimana yang diwujudkan di India (Bank Bharatiya Mahila atau Bank Wanita India) dan di Pakistan (First Women Bank Limited (FWBL).
30. PR-1323-L65332
Puan Hajah Fuziah binti Salleh [Kuantan] minta **PERDANA MENTERI** menyatakan rasional Suruhanjaya Pilihan Raya menolak permohonan Kerajaan Negeri Pulau Pinang dan Selangor bagi memulihkan Pilihan Raya Kerajaan Tempatan sedangkan ianya di peruntukkan di dalam Perlembagaan Persekutuan.
31. PR-1323-L65108
Datuk Haji Shabudin bin Yahaya [Tasek Gelugor] minta **MENTERI PENDIDIKAN** menyatakan perancangan strategik Kementerian bagi mengelakkan kejadian soalan bocor peperiksaan awam Malaysia di bawah kawal selia Kementerian berkenaan.
32. PR-1323-L63414
Tuan Wong Sze Phin @ Jimmy [Kota Kinabalu] minta **PERDANA MENTERI** menyatakan apakah status pemindahan atau penempatan semula penduduk perkampungan setinggian di Pulau Gaya. Bilakah mereka akan ditempatkan semula. Nyatakan bilangan, bangsa dan status warganegara penduduk setinggian di Pulau Gaya dan berapa ramai yang akan dihantar balik ke negara asal.
33. PR-1323-L65265
Dr. Mansor bin Abd Rahman [Sik] minta **MENTERI BELIA DAN SUKAN** menyatakan apakah perancangan Kementerian bagi membantu golongan belia terutamanya golongan lepasan SPM yang gagal mendapat keputusan cemerlang bagi mendapatkan pekerjaan.

34. PR-1323-L63791
Dato' Takiyuddin bin Hassan [Kota Bharu] minta **PERDANA MENTERI** menyatakan langkah Kerajaan untuk memendekkan senarai menunggu jemaah haji terutama yang sudah berumur.
35. PR-1323-L63305
Puan Siti Zailah binti Mohd Yusoff [Rantau Panjang] minta **MENTERI DALAM NEGERI** menyatakan statistik kadar jenayah terkini di seluruh negara termasuk gejala sosial seperti buang bayi ,rogol, zina dan sebagainya serta langkah-langkah pencegahannya.
36. PR-1323-L64307
Puan Teresa Kok Suh Sim [Seputeh] minta **MENTERI DALAM NEGERI** menyatakan sebab Kementerian menswastakan bahagian pengeluaran visa ke Malaysia di negara China. Nyatakan formula pembahagian kutipan di antara pihak Kerajaan dan agen yang dilantik untuk pengeluaran visa, dan juga jumlah kutipan pada tahun 2010, 2011, 2012, 2013 dan setakat Jun 2014.
37. PR-1323-L63843
Datuk William @ Nyallau anak Badak [Lubok Antu] minta **MENTERI KEMAJUAN LUAR BANDAR DAN WILAYAH** menyatakan apa yang sudah terjadi dengan pelaksanaan pembinaan jalan luar bandar seperti Jalan dari Bara ke Bukit Tungku/Sayat/Soh dan Seremat, Jalan dari Sayat ke Ng. Kumpang dan Jalan dari Bukong ke Changkul seperti jawapan Menteri semasa mesyuarat pertama penggal kedua parlimen ke-13, iaitu Menteri sendiri telah berjanji bahawa projek tersebut akan bermula pada bulan April atau selewat-lewatnya Jun tetapi hingga sekarang belum lagi nampak berlaku apa-apa pelaksanaannya.
38. PR-1323-L63548
Tuan Idris bin Haji Ahmad [Bukit Gantang] minta **PERDANA MENTERI** menyatakan berapakah bilangan peserta Program Siswazah Perantis Perbadanan Usahawan Nasional Berhad dari kawasan Parlimen Bukit Gantang sehingga tahun 2013.
39. PR-1323-L64093
Dato' Seri Reezal Merican bin Naina Merican [Kepala Batas] minta **MENTERI PENDIDIKAN** menyatakan memberikan penjelasan lebih terperinci mengenai penubuhan "Sekolah Amanah" (Trust Schools) yang sudah dilaksanakan di beberapa buah negeri. Apa perancangan masa hadapan untuk "Sekolah Amanah" ini.
40. PR-1323-L64570
Tuan Nga Kor Ming [Taiping] minta **MENTERI DALAM NEGERI** menyatakan apakah rancangan dan langkah segera yang dilakukan oleh Kerajaan supaya menyekat pengaruh IS dari Iraq yang kini dianggap kumpulan pengganas utama yang menggugat keamanan sedunia.

41. PR-1323-L64755
Puan Kasthuriraani a/p Patto [Batu Kawan] minta **PERDANA MENTERI** menyatakan mengapa inkues tidak dikendalikan dalam semua kes kematian dalam tahanan polis walaupun Seksyen 334 Kanun Prosedur Jenayah dan Arahan Amalan No. 1/2007 daripada Hakim Besar Malaya jelas menyatakan bahawa inkues adalah wajib dalam keadaan sedemikian.
42. PR-1323-L63841
Tuan Hee Loy Sian [Petaling Jaya Selatan] minta **MENTERI PENGANGKUTAN** menyatakan :-
- (a) siasatan terkini tragedi MH370 dan MH17 serta pihak yang bertanggungjawab sehingga menyebabkan pesawat MH17 terhempas; dan
 - (b) jumlah pampasan yang dibayar bagi setiap mangsa daripada tragedi MH370 dan MH17.
43. PR-1323-L64187
Tuan Oscar Ling Chai Yew [Sibü] minta **PERDANA MENTERI** menyatakan langkah untuk memulihkan keyakinan orang ramai terhadap SPRM. Adakah Kerajaan akan memberi kuasa mendakwa kepada SPRM. Apakah tindakan yang akan diambil kepada pegawai SPRM yang mengakibatkan kematian Teo Beng Hock.
44. PR-1323-L63998
Datuk Zahidi bin Zainul Abidin [Padang Besar] minta **MENTERI KEWANGAN** menyatakan berapakah jumlah kerugian yang dihadapi oleh MAS dan KTMB dan apakah langkah-langkah yang dilakukan untuk menyelamatkan agensi-agensi tersebut.
45. PR-1323-L64144
Datuk Koh Nai Kwong [Alor Gajah] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan butiran berkenaan sistem subsidi baru untuk petrol dan diesel yang akan dilaksanakan pada hujung tahun ini sebagaimana yang diumumkan oleh Ketua Setiausaha Kementerian. Bagaimanakah pelaksanaan sistem ini akan memberi kesan kepada kehidupan orang ramai.
46. PR-1323-L63658
Ir. Shaharuddin bin Ismail [Kangar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) berapakah jumlah projek perumahan di dalam perancangan pemulihan akibat daripada kegagalan pemaju sebelumnya; dan
 - (b) apakah denda dan tindakan yang dikenakan kepada pemaju dan kontraktor yang gagal menyiapkan projek perumahan mengikut tempoh masa yang ditetapkan.

47. PR-1323-L65099
Puan Mas Ermieyati binti Samsudin [Masjid Tanah] minta **MENTERI PENDIDIKAN** menyatakan apakah program-program yang wajib dilalui oleh Pengetua dan Guru Besar sebelum Program “Residency and Immersion” (PRIme) diperkenalkan dan jika ada, apakah perbezaan program ini dengan program-program yang telah diperkenalkan sebelum ini.
48. PR-1323-L64103
Dr. Ong Kian Ming [Serdang] minta **PERDANA MENTERI** menyatakan mengapa Program Ijazah Luar Negara (PILN) telah dibatalkan tanpa notis awam walaupun pengumuman telah dibuat oleh Menteri pada 16 April 2012 bahawa biasiswa ini boleh dipohon oleh pelajar-pelajar yang tidak ditaja di bawah “bursary”.
49. PR-1323-L63938
Datuk Raime bin Unggi [Tenom] minta **MENTERI KEWANGAN** menyatakan apakah rasional jangkaan langkah memberhentikan 6,000 pekerja Malaysia Airlines (MAS) sehingga dilihat boleh mengganggu operasi MAS sebagai satu syarikat penerbangan bertaraf lima bintang kepada tiga bintang.
50. PR-1323-L65368
Datuk Ikmal Hisham bin Abdul Aziz [Tanah Merah] minta **MENTERI KEWANGAN** menyatakan apakah langkah yang dilakukan bagi membanteras penyeludupan rokok dan arak yang dikatakan berleluasa di Tambak Johor dan Bukit Kayu Hitam serta apa pula tindakan yang diambil ke atas pegawai kastam yang bersekongkol dengan sindiket.

ATURAN URUSAN MESYUARAT DAN USUL-USUL

1. (D.R.15 /2014) **Rang Undang-undang Perbekalan 2015 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(5 November, 2014)**

DAN

Usul dibuat oleh YAB Menteri Kewangan dan masalah dicadangkan :-

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari lima puluh bilion empat ratus sembilan puluh sembilan juta sembilan ratus sembilan puluh empat ribu ringgit (RM 50,499,994,000) dibelanjakan daripada Kumpulan Wang Pembangunan bagi tahun 2015, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2015, yang dibentangkan sebagai Kertas Perintah 42 Tahun 2014, adalah diuntukkan di bawah Maksud-maksud yang berkenaan jumlah-jumlah yang bersetentangan dengan butiran-butiran itu di ruangan enam dan tujuh senarai tersebut.”

Menyambung semula Perbahasan atas masalah (5 November, 2014)

2. (D.R 19/2014) Rang Undang-undang Kewangan (No.2) 2014 **Bacaan Kali Yang Kedua**
[Menteri Kewangan]
3. (D.R 10/2014) Rang Undang-undang Penjara (Pindaan) (No.2) 2014 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(9 Oktober, 2014)**
[Menteri Dalam Negeri]
4. (D.R 11/2014) Rang Undang-undang Kewangan (Pindaan) 2014 Tatacara **Bacaan Kali Yang Kedua**
[Menteri Kewangan]

5. (D.R 13/2014) Rang Undang-undang Kumpulan Wang Amanah Negara (Pindaan) 2014 “

[Menteri Kewangan]
6. (D.R 12/2014) Rang Undang-undang Wang Tak Dituntut (Pindaan) 2014 “

[Menteri Kewangan]
7. (D.R 14/2014) Rang Undang-undang Kumpulan Wang Pinjaman Perumahan (Pindaan) 2014 “

[Menteri Kewangan]
8. (D.R 16/2014) Rang Undang-undang Suruhanjaya Syarikat Malaysia (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
9. (D.R 17/2014) Rang Undang-undang Pendaftaran Perniagaan (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
10. (D.R 18/2014) Rang Undang-undang Perkongsian Liabiliti Terhad (Pindaan) 2014 “

[Menteri Perdagangan Dalam Negeri, Koperasi dan Kepenggunaan]
11. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

12. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Tabung Konservasi Sumber Asli Nasional"

13. **Menteri Kewangan** akan mencadangkan:-

"Bahawa Dewan ini, mengikut peruntukan di bawah Seksyen 10(4)(a) Akta Tatacara Kewangan 1957, membuat ketetapan bersetuju supaya Jadual Kedua Akta tersebut dipinda dengan menambah kepadanya butiran baru seperti berikut:-

"Kumpulan Wang Amanah Fi Jaminan"

14. PR-1323-U63530

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri Sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyau, Petagas dan Kinarut. Dan mengambil maklum juga bahawa, selain keadaan gelap gelita dan kelam kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

[Kementerian Kesihatan]

15. PR-1323-U63531

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah".

Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan. Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

[Kementerian Tenaga, Teknologi Hijau dan Air]

16. PR-1323-U63540

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengahkan serta kebanjiran pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

[Kementerian Dalam Negeri]

17. PR-1323-U63554

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

[Perdana Menteri]

18. PR-1323-U63967

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

[Kementerian Dalam Negeri]

19. PR-1323-U64509

Dr. Tan Seng Giaw [Kepong] akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

[Kementerian Dalam Negeri]

20. PR-1323-U64511

Dr. Tan Seng Giaw [Kepong] akan mencadangkan:-

"Bahawa Dewan ini membincangkan dasar perubahan iklim."

[Kementerian Sumber Asli dan Alam Sekitar]

21. PR-1323-U65224

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

[Kementerian Dalam Negeri]

22. PR-1323-U65226

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Kementerian Pendidikan]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.79	Laporan Tahunan Dan Penyata Kewangan LGM Properties Corporation (LGMP) Bagi Tahun 2013	06 November 2014
ST.85	Laporan Tahunan Dan Penyata Kewangan Yayasan Tunku Abdul Rahman (YTAR) Bagi Tahun 2013	06 November 2014
ST.91	Laporan Tahunan dan Penyata Kewangan Lembaga Lada Malaysia Bagi Tahun 2013	06 November 2014
ST.92	Laporan Tahunan dan Penyata Kewangan Lembaga Koko Malaysia Bagi Tahun 2013.	06 November 2014